

由Marf(邱彥筒)、Gao(沈貞巧)、Day(許軼)、Candy(王家晴)、Winka(陳泳伽)、Ivy(蘇雅琳)及Sumling(李芯齡)組成的女團COLLAR，前日推出年度第2首團歌《暴走女團》，今次歌曲MV以茶樓和冰室為主題，大玩本土風，亦是繼上一首團歌《Trouble Trouble》後再次展現COLLAR玩味一面。



COLLAR不斷創新，務求每次出新歌都帶給粉絲驚喜。

新團歌 Sell 本土風

COLLAR暴走化身茶記女神

《暴走女團》是COLLAR成軍以來首支以中文歌名命名的團歌，Marf表示：「今次最有趣係選擇咗好多港式風味嘅嘢去做主題，之前我哋歌曲比較科幻，例如《idc》、《Call My Name!》都係比較科幻元素，《Speak Love》就係戀愛元素，但就未試過本土元素，我哋作為本土女團，應該要試啲本土嘢。」

Day金髮造型衝擊視覺

為展現本土元素，除了到茶樓和冰室拍MV，COLLAR更以「茶記」造型上陣，Gao說：「今次造型師好大膽，竟然搵咗件茶記衫畀我哋，上面寫住『領女冰室』，係專屬我哋

嘅茶記衫，好特別，唔一定着到靚靚咁，估唔到茶記衫都可以玩到女團風。」

提到「暴走」兩字，COLLAR可有「暴走」趣事與大家分享？Candy笑言：「朝早6點起身同朋友去一間好出名嘅冰室食早餐，食完即刻衝返屋企上Zoom堂，6點起身就係為咗同朋友食早餐，好深刻。不過都四五年前，未試過咁早起身為咗食早餐。」芯齡則說：「見到小昆蟲，尤其黑色好多隻腳，我會暴走，試過食食吓嘢見到，真係會好驚。」Day自言向來優雅，最「暴走」是今次拍MV的造型：「大家都冇見過我金髮，見到時嘩一聲問邊個嚟，我嘅暴走就係衝擊大家視覺。」



Marf化身性感女茶記。

杏兒首位香港演員任白玉蘭獎評委



杏兒於內地劇接劇，人氣爆燈。

胡杏兒近日獲《第30屆上海電視節白玉蘭獎》邀請，擔任海外電視劇單元評委會成員之一，成為首位香港演員獲委此重任，杏兒說：「白玉蘭獎是內地電視劇界舉足輕重的獎項單位，是次獲邀擔任大會評委之一，感到相當榮幸，沒想過會被選為評委，所以多謝白玉蘭獎對我的認可。我稍後要埋首做功課，6月底開始逗留上海一星期，參加是次電視節和每天觀看海外作品作評選，盡自己所能努力做好今次重任和挑戰。」

杏兒近期在內地都市劇《蠻好的人生》首次飾演小三角色大受歡迎，令她大感意外，而熱播中的《蠻》劇再創佳績，她很感謝觀眾愛戴和支持。此外，另一部由杏兒和張家輝相隔20年後再合作的新劇《蜀狗之血》預告片早前曝光，已成為追劇一族重點關注的作品。



Day首次以金髮Look示人。

啤梨想介紹好男人給衛蘭認識。

啤梨介紹「筍盤」益衛蘭

歌手衛蘭 (Janice) 接受新城廣播《卡拉OK! Babe》節目主持葉文輝 (啤梨) 錄音訪問，期間Janice突然問啤梨是否已結婚？啤梨表示多年前已成為人夫，當他得知Janice感情生活交白卷，他即打蛇隨棍上問：「使唔使我介紹好男仔畀你呀？我身邊唔多男人，只有好男人，衰男人做唔到我朋友。」Janice說：「好啱！」啤梨問她是否鍾情外籍男士？Janice說：「冇所謂，最緊要溝通到，同埋識欣賞音樂，起碼睇我演唱會會Enjoy，今次靠晒你喇！」

蔡浩然跳舞消脂

蔡浩然近期為鄭秀文 (Sammi) 的澳門演唱會伴舞，兩人大跳辣身舞成為熱話。身高逾6呎的蔡浩然曾參與不少大型演唱會及廣告演出，他自爆體重高峰期達200磅，當時遇過很多不愉快的經歷，直至升上中六決心減肥，最後選擇跳舞來瘦身，升上大學後加入舞蹈學會，從此展開舞者之路。首次與天后級歌手「埋身肉搏」，蔡浩然坦言最初有些顧忌：「估唔到Sammi一次比一次放，Feel到佢完全豁出去，所以我都豁出去，全靠Sammi畀好多信任我。」



蔡浩然與鄭秀文一跳成名。